

astiuo Europum, ab hyberno Mania: in medio Hecatonpylos, Arsacia: regio Nisea Parthyenes nobilis, ubi Alexandropolis à conditore.

Media, Mesopotamia, Babylon,

Seleucia.

CAP. XXVI.

Necessarium est hoc in loco signare & Medorum situm, terrarumque faciē circumagere ad Persicum mare, quo facilius deinde reliqua noscantur. Namq; Media ab occasu trāsversa oblique Parthiae occurrēs, utraq; regna includit. Habet ergo ipsa ab ortu Caspios & Parthos, à meridie Sittacenen & Susianen et Persida, ab occasu Adiabenen, à septētrione Armeniam. Persa rubrū mare semper accollere, propter quod is sinus Persicus vocatur. Regio ibi maritima Cyropolis. Qua vero ipsa subit ad Medos Elymais. Megala appellatur locus, arduo montis ascensu per gradus, introitu angusto, ad Persepolin caput regni, dirutam ab Alexandro. Præterea habet in extremis finibus Laodiceam, ab Antiocho conditam. Inde ad orientem Magi obtinent Passagardas castellum, in quo Cyri sepulchrum est: & horū Ecbatana oppidum translātū ab Dario rege ad montes. Inter Parthos et Arianos excurrunt Parataceni. His gētibus & Euphrate, inferiora regna cluduntur. Reliqua dicemus à Mesopotamia, excepto mucrone eius Arabūq; populis, in priore dictis volumine. Mesopotamia tota Assyriorum fuit vicatim dispersa præter Babylonē & Ninum. Macedones eam in vrbes congregauere, propter vbertatem soli. Oppida præter iam dicta, habet Seleuciam, Laodiceam, Artemitam: item in Arabum gente, qui Aroei vocantur, & Mardani, Antiochiam: que à præfesto Mesopotamiae Nicanore condita Arabis vocatur. Iunguntur his Arabes, introrsus Eldamarij. Super quos ad Pella contam flumen Bura oppidum, Salmani & Masei Arabes. Gordyæis vero iuncti Aloni, per quos Zerbis fluius in Tigrin cadit, Azones, Silices montani, & Orontes. Quorum ad occidentem oppidum Gaugamela. Item Sue in rupibus. Supra Silci, Clafita, per quos Lycus ex Armenia fertur: Absitris ad hybernū exortum. Azochis oppidum, Mox in campestribus oppida. Diospage, Polytelia, Stratonicea, Anthemus. In vicinia Euphratis Nicephorion, quod vt diximus, Alexander iussit condi propter loci opportunitatem. Dicta est & in Zeugmate Apamia, ex qua oriētem petentes excipit oppidum apprime munitum, quondam stadiorum sexaginta quinque amplitudine, & satraparum regia appellatum, quo tributa conferebantur, nunc in arcem redactum. Durant vt fuerāt Hebata, & ductu Pompeij Magni terminus Romani Imperij Oruros, à Zeugmate ducentis quinquaginta millibus passuum. Sunt qui tradunt Euphratem Gobaris præfesti opere deductum, ubi eum diximus findi, ne præcipiti cursu Babyloniam infestaret: ab Assyrijs vero vniuersis appellatum Armalchar, quod significat regium flumen. qua derivatur oppidum fuit Agrani è maximis, quod

diruere Persa. Babylon Chaldaicarum gentium caput diu summam claritatē obtinuit in toto orbe, propter quam reliqua pars Mesopotamiae Assyriaq; Babylonia appellata ē, sexaginta milia pass. amplexa muris, ducentos pedes altis, quinquagenos latis, in singulos pedes ternis digitis mēsurā ampliōre, quā nostra, in tersuo Euphrate, mirabili ope utroq;. Durat adhuc ibi Iouis Beli tēplū. Inuētor hic fuit sideralis sciētiae. Cetero circuitu in solitudine redit, exhausta vicinitate Seleucia, ob id cōdita à Nicatore itra nonagesimū lapidem, in confluyente Euphratis fossa perducti atque Tigris: que tamen Babylonia cognominatur, libera hodie ac sui iuris, Macedonumq; moris. Ferunt ei plebis vrbanae d. c. M. esse: situm vero manū aquilae pendentis alas: agrum totius orientis fertilissimū. Inuicē ad banc exhauriendam, Ctesiphontem iuxta tertium ab ea lapidem in Chalouitide condidere Parthi, quod nūc est caput regni. & postquam nihil proficiebatur, nuper Vologesus rex aliud oppidum Vologesocertam in vicino condidit. Sunt etiam nū in Mesopotamia oppida, Hipparenū, Chaldaeorum & hoc sicut Babylon, iuxta flumen Narragā, qui dedit ciuitati nomen. Muros Hipparenorū Persa diruere. Orcheni quoque tertia Chaldaeorum doctrina, in eodem situ locantur, ad meridiem versi. Ab his Notita & Orthophantæ, & Graciocantæ. Euphrate nauigari Babylonem è Persico mari ccccxiij. M. pass. tradunt Nearchus & Onesicritus. Qui vero postea scripsere, à Seleucia ccccxc. M. Iuba à Babylone Characem clxxxv. M. passuum. Fluere aliqui vltra Babylonem continuo alueo priusquam distrabitur in irrigua lxxxvij. M. Vniuerso autem cursu xi. M. pass. Inconstantiam mensurae diuersitas autorum facit, cum Persa quoq; schēnos & parasangas alij alia mensura determinent. Vbi desinit alueo munito, ad confiniū Characis accedente tractu, statim infestant Attali latrones Arabum gens. Vltra quos scenita. Ambitu uero Euphratis Nomades Arabia vsque ad deserta Syria, vnde in meridiem flecti eum diximus, solitudines Palmyrenas relinquentem. Seleucia abest à capite Mesopotamiae Euphratem nauigantibus vndecies centena xxxv. M. pass. A mari rubro si Tigri nauigetur, cccxx. M. A Zeugmate d. xxxvij. M. Zeugma à Seleucia Syria ad nostrū littus, cxxxij. M. Hæc est ibi latitudo terrarū inter duo maria. Parthici vero regni d. cccc. xliij. M. passuum. Est etiam nū oppidum Mesopotamiae in ripa Tigris circa confluentes, quod vocant Digbam.

Flumen Tigris.

CAP. XXVII.

Sed & de Tigri ipso dixisse cōueniat. Oritur in regione Armenia maioris, fonte cōspicuo in planicie. Loco nomē Elongosine est. Ipsius, qua tardior fluit, Diglito: vnde concitatur, à celeritate Tigris incipit vocari. Ita appellat Medi sagittam, Insluit lacum Aréthusam omnia illata pondera sustinentē, & nitiū nebulis exhalantem. Vnum genus ei piscinum est, idq; transcurrentis non miscetur alueo, sicut nec è Tigri pisces

* ijque trāscurrētes nō miscētur al.